

Mij lea Voestes viehkie sårkosne

Ij naaken almetje edtj oktegh sårkosne årrodh. Dan gaavhtan Sveerjen gærhkoe leah åssjelh jïh tjïelke raerïeh tjöonghkeme mestie ånnetji aelhkebe darjodh mijjide goh guejmie-almetjh daesnie gååvnesibie gosse naaken sårkosne. Ij maehtïeh sårkoem jealadehtedh, men jis sårkoem juaka mubpine maahta daam ånnetji aelhkebe darjodh. Dah raerïej våarome lea Sveerjen gærhkoen guhkïes dååjrehtïmmïe sorkïjjïdie gaavnedïdh jïh dåarjodh jïh lea ussjedamme goh voestes viehkiem, voestes aejkiem gosse jaememe dåastoehïdh. Gaajhke sårkoe lea sjïere jïh ij naan saetniesvoetem jallh bïhkedïmmïeh gååvnesh mejgumïe maahta applïseradïdh. Kaanne dan gaavhtan dan gellïe ovvïhtïesvoetem demtïeh gosse mubpïej sårkoem gaavnedïeh. Dej raerïej-gumïe Sveerjen gærhkoe håhkïesje maahta meatan årrodh gellïeh maehtïeh ånnetji jearsoes damtedh jïh buerebe ryöjredamme, guktïe ij guhte baetsïeh oktegh sov sårkosne.

“Var inte rädd, jag är med dig. Ängslas inte, jag är din Gud. Jag ger dig styrka och hjälper dig, stöder och räddar dig med min hand.”


(Jes 41:10)

Raerïeh mah datne tjaalegisnie gaavnh ajve naakenh dejstïe gellïe darjomh mejtïe mijjïeh guejmïealmetjïnie maehtebe darjodh dïsse gie sorkoe. Aellïeh ussjedh daate dan onne, onne darjome maahta vihkeles årrodh. Sïjthh dåarjoem jallh naakenïnie soptsestalledh dellïe datne maahtah dov åålmegasse båetedh, buerïe båeteme. Datne gaskesadtemebïevnesh jïh jïenebh tjïelke raerïeh gaavnh svenskakyrkan.se/forstahjalpensvardsorg



Voestes viehkie sårkosne

Tjïelke raerïeh mah ånnetji aelhkebe darjoeh gåessïe naakene sårkosne



Gaskesadtedh

Vihkielommes gaajhkijste lea kaanne ibie govlesadteme-diedtem sorkijasse biejedh. Ibie daarpesjh jiehtedh "Ringkh munnjen jis maam akt, manne leam daesnie" dellie stoerre vaahra sorkije ij åajsoeh årrodh dihte gie ringkie. Dellie buerebe jis mijjiej jiehtebe "Manne dutnjien ringkem dæjstan viht, vaestedh jis sijhth". Sæmies æjkien ibie naan vaestiedassem åadtjoeh, men dihte eevre åkej, ij sorkije fierhten æjkien åajsoeh vaestiedidh, men læjhkan maehete ringkedh, jïh viht ringkedh.



Vaeltieh skraejriem

Dihte lea hijven jis mijjiej gieh dâarjobe maehete daam årrodh gie evtete siejhme aarkebiejjien darjomem. Byöpmistedh, filmem vuartasjidh jallh ånnetji vaadtsehtjidh. Gellie gie sorkoeh haeliedieh sårkoste liegkedidh onn'ohdje jïh siejhme jieledem siekierdieh. Ussjedh, almetje giem mijjiej böörebe kaanne ij sijhth bætedh jïh dihte lea eevre åkej, vihkielommes mijjiej gihthebe – jïh mijjiej viht doestebe gihthjedh.



Tsööpkh sjaavohthvoetem

Gellie demtieh gierve guejmiealmetjinie soptsestalledh gie sorkoe. Maam edtjem jiehtedh? Ussjedh jis eevre sjaavohth sjædta jallh dihte almetje aalka tjeardh? Men dihte vihkeles lea ij Leah maam mijjiej jiehtebe men mijjiej sjaavohthvoetem tsööpkebe. Jïh naan æjkien sms:e buerebe enn telefonsoptestalleme juktie maehdedh aelhkebe daam seedtedh jïh aelhkebe daam vaestiedidh.



Vuesehth lihkesvoetem

Gellie mijjeste billebe fer lihke mubpide bætedh jïh gellie æjkien ibie mijjiej dejgumie gaskesedtieh. Kaanne ussjedibie dihte sorkije daarpesje raefesne årrodh jallh sijhtebe vuertedh ånnetji dejnie soptsestalledh gosse "vierremes lea jåhteme". Dihte vihkeles mijjiej tjelkeslaakan vuesiehtibie mijjiej daesnie guktie dihte sorkije ij oktegh damth, jallh damta dihte lea ignoradamme jallh ij Leah meatan ektievoetesne.



Vedtieh sijjem

Daamhtaj gellie almetjem seamma æjkien sorkoeh, gusnie gaajhkh dej jïtse relasjovnem jïh histovrijem utnieh dejnie gie sealadamme. Dihte vihkeles mijjiej baajebe lihkes sorkije jargnesne årrodh jïh aellieh dan jïjnïh mijjen jïtse mojhtesi jïh domtesi biïre soptsesteh. Mijjiej tjoerebe mujhtedh baajh dan sorkijen domtesh, seamma mah dah Leah, faamosne utnieh. Mijjen åssjelh jïh soptsesh hævvi vihkeles – men ij vihkielommes.



Åroeh vissjeles

Fiere guhte sårkoje sov jïtje sårkoeprosessem åtna, maam mijjiej daarpesjibie guarkedh jïh arhpdedh. Vaahra gåavnese mijjiej voejhkelibie syölkeldehtedh guktie sårkoe haajpani jallh frustrasjovnem vuesiehtibie juktie sårkoe jaarhka. Ij sårkoe utnieh naan bööremes-daan-daatumen-åvtelen jïh ij gååvnesh naan siejhme jallh ovsejhme vuekie jallh tïjje gåessie sorkedh. Naan aamhtesi biïre tjuaara ajve gellien æjkien soptsestidh, baajh dov guejmiealmetjem dan biïre soptsestidh maam deahpadamme, dihte maahta vihkeles bielielem sårkoem guarkedh jïh gietedidh.